

DEMOGRAFIYA VA MEHNAT BOZORI



Elektron ilmiy-ommabop jurnal

2025

6-SON

(+998) 50-005-45-69

https://t.me/demografiya_mehnatbozori

demografiya_mehnat_bozori@mail.ru

**DEMOGRAFIYA
VA MEHNAT
BOZORI**

**2025-yil
6-son**

Elektron ilmiy-ommabop jurnal
Электронный научно-популярный
журнал
Electronic popular science journal

BOSH MUHARRIR:

Umurzoqov Bahodir Xamidovich

MUHARRIR:

Bahriddinova Muazzam Azam qizi

TAHRIR HAY' ATI:

Abduraxmonov Qalandar Xodjaevich, i.f.d., akademik.

Sharipov Kongiratbay Avezimbetovich, t.f.d., prof.,

Xudoyqulov Sadirdin Karimovich, i.f.d., prof.,

Axmedov Durbek Qudratillaevich, i.f.d., professor

Umurzakov Baxodir Xamidovich, i.f.d., prof.,

Nasimov Dilmurod Abdulloyevich, i.f.d., prof.,

Arabov Nurali Uralovich, i.f.d., prof.,

Abduraxmonova Gulnora Qalandarovna, i.f.d., prof.,

Mamadaliyeva Xafiza Xoldarovna, i.f.d., prof.,

Irmatova Aziza Baxromovna, i.f.d., prof.,

Tojiyeva Zulxumor Nazarovna, g.f.d., professor

Isayev Faxriddin Ikramovich, i.f.d., prof.

Usmanov Anvar Saidmaxmudovich, i.f.d., professor

Qodirov Abdurashid Madjidovich, i.f.d., professor

Hermann Sterzinger, i.f.d., professor (Germaniya)

Ergashxodjaeva Shaxnoza Djasurovna, i.f.d., professor

Tomash Kuchera, i.f.d., professor (Chexiya)

Abrorov Sirojiddin Zuxriddin o' g' li, PhD

Shakarov Zafar Gaffarovich, PhD, dotsent

Maxmudov Asliddin Sirojiddin o' g' li, PhD

Gulmurodov Kamoliddin Abduqodir o' g' li, PhD

Asqarova Muhabbat Ibraximovna

Bahriddinova Muazzam Azam qizi

INNOVATSION IQTISODIYOT SHAROITIDA BARQAROR RIVOJLANISHDA AYOLLAR ISHTIROKI VA “YASHIL” IQTISODIY TASHABBUSLARNING INTEGRATSIYASI

Raximova Lola Shavkatovna

Farg'ona Davlat Texnika Universiteti

Menejment va marketing kafedrası assistenti

Orcid 0009-0002-4581-5185

Annotatsiya. Maqolada barqaror iqtisodiy rivojlanishni ta'minlash jarayonida ayollar ishtirokini kuchaytirish va yashil iqtisodiy tashabbuslarni integratsiyalashning tashkiliy-iqtisodiy asoslari o'rganiladi. Tadqiqot ishida ayollar kambag'alligini kamaytirish, ularni ekologik jihatdan barqaror bo'lgan iqtisodiy faoliyatga keng jalb qilish, ayniqsa, qayta tiklanuvchi energiya, chiqindisiz ishlab chiqarish, ekologik toza mahsulot yetishtirish kabi yo'nalishlarda tadbirkorlikni qo'llab-quvvatlash masalalari tahlil qilinadi. Ayollar bandligini oshirish orqali ijtimoiy-iqtisodiy barqarorlikka erishish imkoniyatlari aniqlanadi.

Kalit so'zlar: Ayollar ishtiroki, kambag'allikni qisqartirish, yashil iqtisodiyot, barqaror iqtisodiy rivojlanish, ekologik tadbirkorlik, muqobil energetika, gender tengligi, iqtisodiy integratsiya, hududiy rivojlanish, ijtimoiy-iqtisodiy barqarorlik.

THE PARTICIPATION OF WOMEN IN SUSTAINABLE DEVELOPMENT AND THE INTEGRATION OF “GREEN” ECONOMIC INITIATIVES IN THE CONTEXT OF AN INNOVATIVE ECONOMY

Rakhimova Lola Shavkatovna

Assistant, Department of Management and Marketing,

Fergana State Technical University

Annotation. The article examines the organizational and economic foundations of enhancing women's participation and integrating green economic initiatives in the process of ensuring sustainable economic development. The research analyzes issues related to reducing women's poverty and increasing their involvement in environmentally sustainable economic activities, particularly in areas such as renewable energy, waste-free production, and the cultivation of eco-friendly products. The research identifies opportunities to achieve socio-economic stability by increasing women's employment.

Keywords: women's participation, poverty reduction, green economy, sustainable economic development, ecological entrepreneurship, renewable energy, gender equality, economic integration, regional development, socio-economic stability.

УЧАСТИЕ ЖЕНЩИН В УСТОЙЧИВОМ РАЗВИТИИ И ИНТЕГРАЦИЯ “ЗЕЛЁНЫХ” ЭКОНОМИЧЕСКИХ ИНИЦИАТИВ В УСЛОВИЯХ ИННОВАЦИОННОЙ ЭКОНОМИКИ

Рахимова Лола Шавкатовна

Ассистент кафедры менеджмента и маркетинга,
Ферганский государственный технический университет

Аннотация. В статье рассматриваются организационно-экономические основы усиления участия женщин и интеграции «зелёных» экономических инициатив в процессе обеспечения устойчивого экономического развития. В исследовании анализируются вопросы, связанные с сокращением женской бедности и повышением вовлеченности женщин в экологически устойчивую экономическую деятельность, особенно в таких направлениях, как возобновляемая энергетика, безотходное производство и выращивание экологически чистой продукции. Работа выявляет возможности достижения социально-экономической стабильности за счёт увеличения занятости женщин.

Ключевые слова: Участие женщин, сокращение бедности, зелёная экономика, устойчивое экономическое развитие, экологическое предпринимательство, возобновляемая энергетика, гендерное равенство, экономическая интеграция, региональное развитие, социально-экономическая стабильность.

Kirish.

Mamlakatda barqaror iqtisodiy rivojlanishga erishish yo'lida inson kapitalining samarali foydalanilishi, ayniqsa ayollar ishtirokini faollashtirish muhim o'rin tutadi. Aholining yarmi bo'lgan ayollarning iqtisodiy hayotdagi roli faqat ijtimoiy tenglik masalasi emas, balki keng ko'lamli ijtimoiy-iqtisodiy taraqqiyot omilidir. Shu bilan birga, global iqlim o'zgarishlari, tabiiy resurslarning cheklangani va ekologik xavflarning kuchayishi yashil iqtisodiyotga o'tishni dolzarb masalaga aylantirmoqda.

Mazkur sharoitda ayollarni yashil iqtisodiy tashabbuslarga — muqobil energiya, chiqindisiz ishlab chiqarish, ekologik tadbirkorlik kabi sohalarga faol jalb etish orqali ularning bandligini ta'minlash va kambag'alligini kamaytirish

imkoniyati mavjud. Bu esa nafaqat gender tengligini mustahkamlash, balki hududlarda ijtimoiy-iqtisodiy barqarorlikni ta'minlashning muhim omili bo'lib xizmat qiladi. Ushbu tadqiqot barqaror rivojlanish va yashil iqtisodiyot konsepsiyasining ayollar ishtiroki bilan uyg'unlashuvini o'rganishga, mavjud muammolarni aniqlashga va ularni hal qilishga qaratilgan takliflar ishlab chiqishga yo'naltirilgan.

Adabiyotlar sharhi.

Ayollar ishtirokida ekologik tadbirkorlik va yashil iqtisodiy tashabbuslarning rivojlanishi so'nggi yillarda ko'plab olimlar va xalqaro tashkilotlar e'tiborida bo'lmoqda. Tadqiqotchilar yashil iqtisodiyotning gender tenglikni ta'minlash va ayollar kambag'alligini kamaytirishdagi rolini har tomonlama o'rganmoqdalar. Masalan, UN Women va UNEP (BMTning atrof-muhit bo'yicha dasturi) ayollarni qayta tiklanuvchi energiya, chiqindilarni qayta ishlash, ekologik qishloq xo'jaligi kabi sohalarga keng jalb etish bo'yicha alohida tashabbuslar ishlab chiqib, bu yo'nalishlar orqali ayollarning ijtimoiy-iqtisodiy faolligini oshirish mumkinligini ta'kidlaydi[1]. Cecilia Ugaz Estrada (UNIDO eksperti) ayollarning yashil iqtisodiyotda faolligini rag'batlantirish orqali nafaqat ularning daromadini oshirish, balki butun jamiyatning ekologik barqarorligini ta'minlash mumkinligini ko'rsatadi[2].

Hindiston, Keniya va Bangladesh tajribalari shuni ko'rsatadiki, quyosh panellarini o'rnatish, bioyoqilg'i ishlab chiqarish va chiqindilarni energiyaga aylantirish kabi "ayollar + yashil texnologiyalar" dasturlari ayollarni ish bilan ta'minlashda samarali vosita bo'lmoqda[3]. Ushbu dasturlar ayollarga texnik ko'nikmalar berish, ularni mahalliy liderlarga aylantirish va ularning iqtisodiy mustaqilligini oshirishga xizmat qilmoqda.

Tadqiqot metodologiyasi.

Tadqiqot jarayonida qiyosiy tahlil va sintez, induksiya va deduksiya, tizimli tahlil, ilmiy abstraksionalash, iqtisodiy-matematik modellashtirish va boshqa usullardan keng foydalanildi. Tadqiqotning amaliy ahamiyati shundaki, ayollarni ekologik barqaror iqtisodiy faoliyatga keng jalb etish, "yashil" texnologiyalarni joriy etish, qayta tiklanuvchi energiya manbalaridan foydalanish hamda chiqindisiz ishlab chiqarish tizimlarini rivojlantirishga oid tashkiliy va iqtisodiy mexanizmlarni takomillashtirishga ilmiy asos yaratadi. Tadqiqot natijalari ayollar bandligini oshirish, ularning iqtisodiy faolligini kuchaytirishga qaratilgan amaliy dasturlarni ishlab chiqishda foydalanilishi mumkin.

Tahlil va natijalar muhokamasi.

Mamlakatimizda ayollarni iqtisodiy va ijtimoiy hayotga keng jalb etish maqsadida qator davlat dasturlari amalga oshirilmoqda. Jumladan, “Ayollar daftari”, “Har bir oila — tadbirkor” hamda “Yoshlar — kelajagimiz” kabi tashabbuslar doirasida ayollarni ekologik tadbirkorlik faoliyatiga jalb etish, ularning innovatsion g‘oyalarini qo‘llab-quvvatlash va yangi ish o‘rinlarini yaratish bo‘yicha kompleks choralar ko‘rilmoqda [4]. Shu bilan birga, qayta tiklanuvchi energiya manbalarini joriy etish yo‘nalishida ajratilayotgan grantlar, imtiyozli kreditlar va subsidiyalar ayollar tashabbuslarini moliyaviy jihatdan qo‘llab-quvvatlash, ularni yashil iqtisodiyot sohasida faol ishtirok etishga rag‘batlantirishga xizmat qilmoqda [5].

Jahon banki, UNDP, Global Green Growth Institute (GGGI) tomonidan ishlab chiqilgan metodik tavsiyalar va “yashil” investitsion loyihalar gender tenglikni hisobga olgan holda amalga oshirilmoqda [6]. Bu tajribalar O‘zbekistonda hududiy darajada “Ayollar + yashil iqtisodiyot” konsepsiyasini rivojlantirish, ayollarning iqtisodiy faolligini oshirish va ularning barqaror hayotga hissa qo‘shishini ta‘minlashda muhim manba bo‘lib xizmat qilmoqda.

Shuningdek, Gender va rivojlanish bo‘yicha xalqaro tarmoq (GDN) ham ekologik tadbirkorlikda ayollarni qo‘llab-quvvatlovchi xalqaro mexanizmlar samaradorligini tahlil qilgan. Tahlillar shuni ko‘rsatadiki, yashil iqtisodiy tashabbuslar ayollar uchun iqtisodiy xavfsizlik, ijtimoiy barqarorlik va innovatsion imkoniyatlar yaratishda muhim vosita bo‘lib xizmat qilmoqda [7].

Barqaror iqtisodiy rivojlanish har qanday davlat uchun muhim strategik maqsad hisoblanadi. Bunday rivojlanish ijtimoiy tenglik, ekologik xavfsizlik va iqtisodiy samaradorlik tamoyillariga asoslanadi. Ayniqsa, bu jarayonda ayollarning ishtiroki muhim ahamiyat kasb etadi, chunki ayollar faqat mehnat bozori ishtirokchisi sifatida emas, balki oila darajasida iqtisodiy qarorlar qabul qiluvchi kuch sifatida ham faol rol o‘ynaydi. Aynan shuning uchun ayollar ishtirokini kuchaytirish — ijtimoiy tenglikka erishish bilan birga, ularning salohiyatini ishga solish orqali kambag‘allikni qisqartirishga xizmat qiladi. Biroq, ko‘plab rivojlanayotgan mamlakatlarda ayollar hali ham iqtisodiy imkoniyatlardan to‘laqonli foydalana olmayapti — ayniqsa, moliyaviy xizmatlar, yer-mulk egaligi, texnologiyaga kirish va yuqori darajadagi ish o‘rinlari borasida.

Shu nuqtai nazardan, yashil iqtisodiyot – ekologik barqarorlik va iqtisodiy inklyuziyani birlashtirgan holda – ayollar uchun yangi imkoniyatlar yaratadi. Bu konsepsiya quyidagi yo‘nalishlar orqali ayollar kambag‘alligini kamaytirishga xizmat qilishi mumkin:

– Yangi ish o‘rinlari yaratish: qayta tiklanuvchi energiya (quyosh panellari o‘rnatish, texnik xizmat), chiqindilarni saralash va qayta ishlash, ekologik qishloq xo‘jaligi kabi sohalarda ayollar ishtirokini kengaytirish mumkin.

- Ekologik tadbirkorlik: ayollar o'z hududida ekologik mahsulot ishlab chiqarish, biologik o'g'it tayyorlash, ekologik tozalikni saqlash xizmatlarini ko'rsatish orqali barqaror daromad manbalariga ega bo'lishadi.
- Ijtimoiy innovatsiyalar: ayollar ko'pincha jamiyatdagi ekologik muammolarga bevosita duch kelishadi (masalan, suv tanqisligi, havoning ifloslanishi). Shu sababli, ularning ushbu muammolarga yechim topishga yo'naltirilgan loyihalarda ishtiroki nafaqat iqtisodiy, balki ekologik foyda keltiradi.

Xalqaro tajriba ham shuni ko'rsatadiki, ayollarni yashil iqtisodiy faoliyatga jalb qilish orqali ularning iqtisodiy holatini yaxshilash va kambag'allikni kamaytirish mumkin. Masalan, Hindistonda ayollar "quyosh energiyasi muhandislari" sifatida tayyorlanib, elektrsiz hududlarga energiya yetkazib berishda faol qatnashmoqda. Bu ularga barqaror daromad, o'ziga bo'lgan ishonch va jamoada ijtimoiy mavqe taqdim etmoqda.

O'zbekiston misolida, Jahon bankining 2024-yilgi hisobotiga ko'ra, "Qishloq infratuzilmasini rivojlantirish dasturi" doirasida 426 mingdan ortiq fuqaro, ularning yarmidan ko'pi ayollar, sog'liqni saqlash, maktabgacha ta'lim, elektr ta'minoti va ichimlik suvi tizimlariga kirish imkoniyatini yaxshilovchi 430 ta loyihadan foyda ko'rди. Bu loyihalar ayollar va bolalar salomatligi, ta'limi va iqtisodiy faolligini oshirishga xizmat qilmoqda[8].

Xulosa qilib aytganda, yashil iqtisodiyot ayollar uchun nafaqat ish o'rni, balki o'zini iqtisodiy jihatdan mustahkamlash imkonini yaratadigan inklyuziv platformadir. Shu sababli, ayollar ishtirokini kengaytirish — kambag'allikka qarshi kurash va barqaror rivojlanish strategiyalarining ajralmas qismidir.

Muqobil energetika sohalari – qayta tiklanuvchi energiya (quyosh, shamol, biogaz), chiqindini qayta ishlash, ekologik toza mahsulot ishlab chiqarish ayollar uchun keng imkoniyatlar yaratadi. Ayollar kichik miqyosdagi quyosh paneli o'rnatish, ta'mirlash, xizmat ko'rsatish, chiqindilarni saralash va qayta ishlash, organik mahsulotlar ishlab chiqarish kabi faoliyatlar bilan shug'ullanishlari mumkin. Malaka oshirish kurslari va ijtimoiy qo'llab-quvvatlash ularning sohadagi rolini oshirishga yordam beradi[9].


Bu sohada xalqaro tajribalarni ko'rib chiqsak, "Ayollar + Quyosh energiyasi" dasturlari Hindistonda SELCO Foundation kabi nodavlat tashkilotlar ayollarni kichik quyosh energiyasi tizimlarini o'rnatish va xizmat ko'rsatishga o'rgatadi. Mahalliy ayollar guruhlarini orqali bu mahsulotlarning tarqalishi ko'paymoqda[10]. Keniyada Solar Sister dasturi ayollarga quyosh energiyasi mahsulotlarini sotishni o'rgatib, ularni mustaqil tadbirkorga aylantiradi. Bu dastur nafaqat daromad oshirish, balki hududlarda toza energiya foydalanuvchilarini ko'paytirishga xizmat qiladi. Bangladeshda Grameen Shakti tashkiloti kichik quyosh tizimlarini o'rnatish va texnik xizmat

ko'rsatishda ayollarni faol jalb qiladi. Bu esa ularning ijtimoiy va iqtisodiy faolligini oshiradi[11].

Mamlakatimizda davlat tomonidan "Ayollar tadbirkorligini rivojlantirish dasturi" doirasida ekologik sohalarga ajratiladigan imtiyozli kreditlar va grantlar mavjud. Shuningdek, UNDP, GIZ, JICA kabi xalqaro tashkilotlar ayollarga qayta tiklanuvchi energiya va chiqindini qayta ishlash bo'yicha treninglar tashkil etmoqda[12]. Natijada ayollar tomonidan kichik quyosh elektr stansiyalari o'rnatilishi, ekologik mahsulotlar ishlab chiqarish va chiqindi boshqarish sohaslarida faol bizneslar shakllanmoqda[13].

Statistik ma'lumotlarga ko'ra, O'zbekistonda ayollar iqtisodiy faoliyatning turli sohaslarida faol ishtirok etmoqda. Biroq bu ishtirok tarmoqlar kesimida juda notekis taqsimlangan. Bu holat ularni "yashil iqtisodiyot" va ekologik tadbirkorlik sohaslariga kengroq jalb etish zarurligini ko'rsatadi.

O'zbekistonda ayollar iqtisodiy faoliyatning turli sohaslarida faol ishtirok etmoqda. Ayniqsa, ta'lim (74,8%) va sog'liqni saqlash (71,1%) sohaslarida ayollar ulushi eng yuqori hisoblanadi. Ushbu sohalar yashil iqtisodiyot uchun muhim ahamiyatga ega bo'lib, ekologik savodxonlikni oshirish, barqaror hayot tarzini targ'ib qilish va sanitariya loyihalarida ayollar yetakchi rol o'ynashi mumkin. Shuningdek, san'at va ko'ngilochar xizmatlar sohasida ayollar ulushi 44,9 foizni tashkil qiladi, bu esa ekoturizm va madaniy-ekologik tashabbuslarda ularning faolligini oshirish imkonini beradi.



1-rasm. Iqtisodiy faoliyat turlari bo'yicha jami bandlardagi ayollarning ulushi, %[14]

Biroq, texnologik va muhandislikka yaqin tarmoqlarda ayollar ishtiroki ancha past. Masalan, elektr, gaz va bug' bilan ta'minlash sohasida ayollar ulushi atigi 8 foizni, suv bilan ta'minlash va chiqindi boshqaruvi sohasida 12,4 foizni, qurilishda esa 12,4 foizni tashkil etadi. Bu esa qayta tiklanuvchi energiya,

chiqindilarni qayta ishlash va “yashil qurilish” yo‘nalishlarida ayollar ishtirokini kengaytirish zarurligini ko‘rsatadi.

Ulgurji va chakana savdo sohasida ayollar ulushi 19,4 foiz bo‘lib, bu yo‘nalishda ekologik toza mahsulotlar savdosi va “zero waste” formatidagi do‘konlar orqali ayollar ekotadbirkorlikka kirib borishlari mumkin.

Moliyaviy xizmatlar (35%), ko‘chmas mulk bilan bog‘liq faoliyatlar (34,6%) va davlat boshqaruvi (32,7%) sohalarida ayollar o‘rtacha darajada ishtirok etmoqda. Bu esa yashil kreditlash, ekologik startaplar va yashil siyosat ishlab chiqishda ayollarni jalb qilish uchun yangi imkoniyatlarni ochadi.

Xulosa va takliflar.

Yashil iqtisodiyot va ekologik tadbirkorlik ayollar uchun yangi imkoniyatlar yaratishda muhim rol o‘ynaydi. O‘zbekistonning iqtisodiy faoliyat turlari bo‘yicha ayollar ishtiroki tarmoqlar kesimida notekis taqsimlangan. Ayollar ijtimoiy va gumanitar sohalarida yuqori ishtirok etishsa-da, texnologik va ishlab chiqarish sohalarida ularning ulushi past. Shunga qaramay, yashil iqtisodiyotning qayta tiklanuvchi energiya manbalari, chiqindilarni qayta ishlash va barqaror qurilish kabi tarmoqlari ayollarni keng jalb qilish imkoniyatlarini yaratadi.

O‘zbekistonning ekologik tadbirkorlik sohasida ayollarning ishtirokini kuchaytirish uchun maxsus grantlar, imtiyozli kreditlar, STEM ta‘limi va hududiy ko‘nikma oshirish dasturlari zarur. Shu bilan birga, ayollarni ekologik savodxonlikni oshirishga va yashil iqtisodiyotning turli sohalariga jalb qilishga oid strategiyalarni ishlab chiqish muhimdir.

Ayollarning yashil iqtisodiyot va ekologik tadbirkorlik sohalarida faol ishtiroki nafaqat ularning iqtisodiy holatini yaxshilashga, balki jamiyatning barqaror rivojlanishiga ham hissa qo‘shadi. Shuning uchun ayollarni bu sohalarga jalb qilish bo‘yicha kompleks dasturlarni amalga oshirish va samarali siyosatni ishlab chiqish O‘zbekistonning ekologik va ijtimoiy barqarorligini ta‘minlashda muhim ahamiyatga ega.

Adabiyotlar:

1. UN Women and UNEP. Gender and Environment: A Guide to the Green Economy. New York: United Nations, 2020, pp. 24–26.
2. Ugaz Estrada, C. (2021). Women’s Empowerment in Green Industry. Vienna: United Nations Industrial Development Organization (UNIDO), pp. 7–9.
3. Practical Action. *Energy Access for Women in Developing Countries: Best Practices*. Practical Action Publishing, Rugby, UK, 2022, pp. 15–18.

4. O‘zbekiston Respublikasi Prezidentining qarori PQ-4235-son, 2019-yil 7-mart. “Xotin-qizlarni qo‘llab-quvvatlash va oila institutini mustahkamlash tizimini yanada takomillashtirish chora-tadbirlari to‘g‘risida”.
5. Iqtisodiy tadqiqotlar va islohotlar markazi (2023). *Ayollar tadbirkorligi va moliyaviy inklyuziya tahlili*. Toshkent, 2023.
6. Global Green Growth Institute. *Green Growth and Gender Mainstreaming Toolkit*, 2021. <https://ggi.org/wp-content/uploads/2021/02>
7. Global Development Network (GDN). *Gender-Responsive Green Economy Policies: What Works?* New Delhi: GDN, 2022, pp. 10–12.

8. World Bank. (2024). *Women and Children Benefit When Uzbek Villages Are Empowered to Invest*. Washington, D.C.: World Bank. Retrieved from <https://www.worldbank.org/en/news/feature/2024/07/18/women-children>
9. International Renewable Energy Agency (IRENA). (2019). *Renewable Energy and Jobs – Women’s Participation in the Energy Transition*.
10. SELCO Foundation. (2021). *Empowering Women Through Solar Energy in India*. Bangalore: SELCO Foundation. Retrieved from <https://selcofoundation.org>
11. Solar Sister, “Clean Energy Entrepreneurship for Women in Kenya”, 2022
12. GIZ, UNDP Reports on Women and Renewable Energy in Uzbekistan, 2022
13. O‘zbekiston Respublikasi Qishloq va Suv xo‘jaligi vazirligi, “Ayollar tadbirkorligini rivojlantirish dasturi”, 2023.
14. <https://gender.stat.uz/uz/asosiy-ko-rsatkichlar/mehnat>

DEMOGRAFIYA VA MEHNAT BOZORI

BOSH MUHARRIR:

Umurzoqov Bahodir Xamidovich

MUHARRIR:

Bahriddinova Muazzam Azam qizi

